

Smijenjen Ahmed Smajic, ministar poljoprivrede, vodoprivrede i sumarstva Federacije Bosne i Hercegovine

Visoki predstavnik, Wolfgang Petritsch, je danas izdao Odluku kojom se smjenjuje g. Ahmed Smajic sa funkcije ministra poljoprivrede, vodoprivrede i sumarstva Federacije Bosne i Hercegovine.

Na funkciji ministra, gospodin Smajic je sprijecavao poduzimanje aktivnosti u oblasti ekonomske reforme u Bosni i Hercegovini, kao i razvijanje transparentnosti u svim aspektima rada njegovog Ministarstva, i to putem opstrukcije, kontinuirane neaktivnosti i prakse povezane sa korupcijom. Uzimajuci u obzir vaznost ekonomskog razvoja Bosne i Hercegovine, i preporuke koje je u ovom smislu usvojilo Vijece za implementaciju mira na svojoj Konferenciji odrzanoj u Briselu, Visoki predstavnik je bio primoran da gospodina Smajica smijeni sa funkcije.

G.. Smajic je od 1998. godine bio upoznat sa izbijanjem zaraznih bolesti zivotinja u Bosni i Hercegovini. Uprkos apelima medjunarodne zajednice, gospodin Smajic nije poduzeo odgovarajuce mjere, sto je rezultiralo sirenjem bolesti medju stokom, a u toku proteklih nekoliko mjeseci, i prenosenje infekcije na ljude. g. Smajic je direktno odgovoran sto je broj zivotinja zarazenih Q-groznicom u Federaciji Bosne i Hercegovine trenutno medju najvecim na svijetu. Dok je bio na funkciji ministra, zivotinje su pustene iz karantina, iako su bile zarazene. Daljnja zloupotreba programa za nabavku stoke

je uključivala kupovinu bolesnih i neodgovarajućih vrsta životinja iz inostranstva, umjesto, kao što je to bilo predviđeno, nabavke stoke iz Federacije. Na taj način je omogućen uvoz zarazenih životinja putem nenamjenskog korištenja međunarodnih donacija. Nadalje, značajan broj životinja je dostavljen osobama za koje se kasnije utvrdilo da ne postoje. Ove aktivnosti su ugrozile zdravlje onih osoba u čijem je interesu ministar trebao raditi. Još uvijek je neophodno ukloniti veliki broj životinja, što će nanijeti daljne štete poljoprivrednom sektoru Bosne i Hercegovine.

Propust gospodina Smajica da poduzme bilo kakve aktivnosti je dodatno usporavao usvajanje izuzetno neophodnih poljoprivrednih reformi, usmjerenih na promoviranje ekonomije slobodnog tržišta, kojim bi se trebala pokrenuti produktivnost poljoprivrednog sektora, koja trenutno iznosi tek jednu polovinu produktivnosti koja se ostvaruje u zapadnoj Evropi. Čak i nakon njihovog konačnog usvajanja, pod pritiskom međunarodne zajednice, Ministarstvo gospodina Smajica nije provelo ovu poljoprivrednu strategiju.

Slične opstrukcije procesa reforme su zabilježene i u sektoru vodoprivrede u kojem su, uprkos investicijama međunarodne zajednice od ukupno više od 350 miliona američkih dolara namijenjenih provođenju reforme u sektoru vodoprivrede Bosne i Hercegovine, i dalje zadržane Vodoprivrede kao paralelne institucije u kojima dominiraju netransparentni, neefikasni radni metodi, usmjereni na zadovoljavanje samo vlastitih interesa. Nezavisni izvještaji pokazuju da se vodosnadbijevanje plaća četiri puta više od iznosa koji je potreban za rad ovog sektora, a pri tome nema jasnih pokazatelja o tome kako se koristi visak ovih sredstava. Nadalje, Ministarstvo g. Smajica je sistematski zaustavljalo razvoj ove vitalne privredne grane, što znači da u mnogim područjima stanovništvo i dalje nije snabdjeveno vodom.

Odluka o smjenjivanju g. Smajica sa funkcije ministra poljoprivrede, vodoprivrede i sumarstva Federacije BiH stupa

na snagu odmah, a gospodinu Smajicu se zabranjuje kandidovanje na izborima ili vršenje bilo koje funkcije od javnog povjerenja. Funkcija koja je ostala upraznjena nakon smjenjivanja gospodina Smajica popunice se u skladu sa uobicajenom procedurom za ovo imenovanje. Medjutim, ukoliko se ne nadje zamjena na ovu funkciju u roku od 30 dana, Visoki predstavnik moze imenovati osobu koja ce obavljati duznosti u svojstvu ministra. U prijelaznom periodu, zamjenik ministra ce biti vrsilac duznosti na funkciji ministra.